



UNIVERSITÄTS-  
BIBLIOTHEK  
PADERBORN

Provincia Toletana.

---

[urn:nbn:de:hbz:466:1-68899](https://nbn-resolving.org/urn:nbn:de:hbz:466:1-68899)



## P R O V I N C I A T O L E T A N A.

**S**VNT in hac Prouincia sexdecim domicilia, Domus Professa vna, Collegia tredecim, Domus Probationis duæ, Residentia vna; per quæ distributi socij tres, supra quadringentos & nonaginta. Ex his Sacerdotes centum & octoginta, Studiosi septuaginta quinque, ceteri Coadiutores. In Professa Domo Toletana versantur quadraginta & octo: In Madritano quinquaginta quatuor: In Complutensi, & Domo Probationis annexa, centum nouemdecim; In Murciano sexaginta octo; In Oropesano duo & quadraginta; In Placentino triginta; In Occanienti duodeviginti; In Talabricensi tredecim; In Tyrocinio Villaregiensi viginti duo; In Conchenfi decem; In Optensi viginti quinque; In Tolerano sex; In Belmontensi viginti; In Carrauacensi viginti tres; In Seguritano sexdecim; In Residentia Almagrensi nouem. Admissi in Societatem duo; diem suum obierunt tres.

## D O M V S P R O F E S S A T O L E T A N A.

**M**INISTERIA Societatis magno cum fructu exercita, præsertim in solemnitate Circumcisionis, quam illustrissimus Ecclesiæ Toletanæ, celebrando domi nostræ, auxit; qui & concioni interfuit,

interfuit, atq; in significationem gratissimi in nos animi, copiosam eleemosynam erogauit. Obijt hoc anno Pater Antonius Marcen, cum summâ totius ciuitatis mœstitia: quippe qui tanquam Pater omnium colebatur. Postquam enim varijs in regendis officijs defunctus esset, tandem in hac vrbe multos annos, cum magna vtilitate ciuium, qui nunc quotidie eius obitum deplorant, requieuit.

---

COLLEGIUM  
MADRITANVM.

**Q**VOTIDIANIS Societatis nostræ ministris non mediocris hic facta est accessio, postquam certa, ad promouendam pietatem, instituta sunt Sodalicia. Horum vnum exiguo tempore accreuit ad quingentos. Quibus ad feruorem in primis commodarunt Sanctorum exempla, quæ semel atque iterum quot hebdomadis, in maximo ciuium concursu recitari solita.

---

COLLEGIUM  
COMPLVTENSE.

**O**BIT Pater Manuel Lopez, in nostram Societatem admissus in Prouincia Lusitana, a Patre nostro Simone, missusq; postea est nouitatus tempore, vt Madriti Patri nostro Fabro assisteret, atque in humilibus obsequijs inseruiret. Deinde primus, è nostra Societate, scholasticus in hanc Academiam venit: in qua tantę virtutis & modestię specimen

specimen præbuit, vt plurimi concurrerent videnti gratia, qua transiturum norant. Magna ex parte Societatis opinio, quæ in hac academia floret, Patri Manuelli tribuenda est, quod cum Patre Villanueua primo huius Collegij fundatore, singularis, atque indiuisus comes prima fundamenta iecerit, eiusque loco superior huius collegij constitutus fuerit; deinde & totam Prouinciam cum laude & fructu rexerit. Is etiam in senectute communem Societatis normam ita est amplexus, vt ne latum quidem vnguem a communi viuendi modo deficeret, nec vlli labori, Societatis augendæ gratia, parceret. Hæc singularis sollicitudo prouectum ætate virum coëgit, vt nouitiatus domum (quam summopere in hoc oppido desiderarat, quæque eius industria exædificabatur) frequenter adiret, atque ibidem laboraret: qui labor in causa fuit, vt in morbum incideret, ex quo & obiit. Vixerat in Societate annos quinquaginta octo; sepultusque est magna nostrorum tristitia, pariter & oppidi.

---

C O L L E G I V M  
M A R C I A N V M.

**Q**UIDAM vxoricidium committere cum vellet, duorum ex nostris per domum eius transeuntium solo adspectu ita compunctus est, vt non solum factu destiterit, sed etiam confessurus domum nostram aduenerit. Obijt hoc tempore Pater Gutierre de Castro, vir plane sanctus, qui vel in cubiculo, vel in choro semper morabatur; ita humilis, vt fateretur se nunquam inanis gloriæ tenta-

rentationem sensisse, quòd in se diceret nihil esse de quo posset gloriari; ita pauper, ut scabellum solum haberet, nec sellam in cubiculo pateretur, abiectisque semper vestibus indueretur; ita feruidus, ut penitentes, quantumvis duros, ad lacrymas provocaret; ita ad laborem propensus, ut prius a vita, quam a labore discessurum se promitteret. Itaque obnixè petijt a Domino, ne diu in lectulo egriti diuinis causa decumberet, quo laborare semper posset; ita annuit illius dictis Deus, ut quatuor duntaxat diebus eger, mortuus sit, cum summo totius ciuitatis dolore, quæ post eius obitum ad funus tota concurrir, & rosaria, atque incunctas eius vultui, religionis ergo applicare institit; imò & scissuras vestium, calceos, aliàque indumenta ita certatim raperet, ut quatumvis eos impedire nostri laborauerint, tamen nudus fere in sepulchrum illatus sit. Huius, & alterius defuncti loco, admissi sunt duo in nostram Societatem, cum magna admiratione totius vrbsis, utpotè quod nobilissimi sint, neque eos detinere potuerit maximum parentum, & cognatorum obstaculum.

## COLLEGIVM PLACENTINVM.

**H**AVIT triginta è nostris, tredecim sacerdotes, quatuor fratres philosophos, reliquos coadiutores. Magna fuit nostrorum cura in his, quæ ad pietatem spectant, tam intra urbem quàm extra, ratione spiritalium excursionum, quæ factæ sunt ad populos affines. Facta quoque est accessio rei familiari duorum, vel trium millium aureorum

rum

no PROVINCIA  
rum, dono cuiusdam feminæ rebus nostris non  
mediocritis affectæ.

## COLLEGIUM OCCANIENSE.

**Q**UIDAM facinorosus in somnis iudicem  
Christum aspectavit, à quo iam iam damnan-  
dus videbatur, nisi sententiæ procrastinationem  
Sancti, quibus homo ille erat consecratus, obti-  
nuissent: nec ille tamen destitit, sed secundo terri-  
bilior idem iudex visus est: quo deterritus venit ad  
nostros, a quibus alterius vitæ ineundæ rationem  
accepit, in qua & persenerat.

## COLLEGIUM CARAVACENSE.

**C**ONCIONVM beneficio relegati sunt ludi,  
& ludiones. Quatuor in ceteris Principes ita  
commoti sunt, vt publicè contractum celebrarint,  
vt si quis ad ludum rediret, magnam certi depositi  
iacturam pateretur; quod ita admirationi fuit, vt  
multo tempore in compitis & in foro, nullus, nisi  
de eo contractu, sermo esset. Inter alia habet hoc  
collegium scholam puerorum, in qua prima lit-  
terarum rudimenta edocentur, & simul cum litte-  
ris omnia pietatis officia: miræque res fuit, vt cum  
pueruli, de misericordia erga vinctos pauperes,  
ante natalitia Domini audiissent à magistris, ita  
commoti sint, vt xeniola, quæ sibi a parentibus  
acceperant, detulerint ad carcerem; & inter pau-  
peres,

peres, cum summa admiratione omnium, munuscula diuiserint. Nobilis item puer sex annos natus, cum iam fere animam ageret, parentem accersitum hortatus est, vt pauperibus prospiceret; cuius concionatoris voce commotus pater, in lacrymas prorupit, & ad miram pietatem erga egenos concitatus est: in cuius rei præmium superstes manet filius, qui pauperum causas apud suos, & alios semper agit.

## COLLEGIUM SEGVRITANVM.

**P**RÆCIPVA hoc anno nostrorum industria circa infirmos, quorum copiosus fuit numerus, eluxit non mediocri fructu. Ex his vnus, cum in extremâ vitâ vsu vocis, & confitendi facultatem amisisset, cum in somnis vnus è nostris videre sibi visus est loquentem; & ecce eadem hora ad fores nostras accessit nuncius, Patrem accersens, indicansque infirmo redditam vocem: adit Pater, confitetur infirmus, nec multò post lætus defungitur. Res familiaris, dono trium millium aureorum, aucta est.

PRO.